



Dumondas da fabrica BaB

La suprastanza cumünala ha concess in sia sezzüda duos permiss da fabrica per edifizis dadour la zona da construcziun (BaB).

Center Cumünal Zernez - refacziun dal tet - decisiun da princip

Il tet dal Center cumünal in Urtatsch es gnü renovà dal 2008 in connex culla surtutta dal stabel dal Parc Naziunal Svizzer. Uossa cuorra il tet da prümavaira, causa ün defet da material da la folia cunter l'aua. Il tet sto gnir refat. I's prevezza da müdar oura la folia e lura in quist connex güst eir implementar ün indriz da fotovoltaica, integrà illa vetta da surfatscha da tet. Il gremi respunsabel ha acconsenti l'inizi dal proget e sancziunà la glista da submittents.

Fittanza parcelas agriculas

La suprastanza cumünala ha decis da metter in libra concorrenza la fittanza da trais parcelas per la gestiun agricula illa fracziun da Lavin. Priorità han annunzchas da pauras e pauras domiciliats illa fracziun da Lavin.

Radunanza cumünala - tractandas provisoricas dals 24 mai 2023

La glista da tractandas provisorica per la radunanza cumünala dals 24 mai 2023 es gnüda approvada. A quista radunanza vain preschantà principalmaing il rendaquint 2022.